



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

De Episcopi potestate circa locum sacrificii paragr. 2

urn:nbn:de:hbz:466:1-41878

scopi licentiam, Coninch *a* negat,
affirmat Granado, *b* inclinatque
idem Delugo. Omnes probabiliter.

§. II.

*De Episcopi potestate circa locum
sacrificii.*

§. **N**on est difficultas, quod, ad
Episcopum, vel altio-
rem Prælatum pertineat consecrare, &
benedicere Ecclesias, vel Oratoria
publica (Oratorium publicum pu-
to etiam illud, in quo sit janua pri-
vata affixa domui alicujus sæcula-
ris, si ad sit alia janua exposita pro
omnibus) sed solum difficultas est
de duobus posterioribus sacrificii
locis insinuatibus num. 1. id est de
Oratoriis privatis, & de loco pro-
fano. In quibus tamen, claritatis
gratia,

*a Coninch de sacr. q. 83. art. 3. d. 1.
num. 226. b Granado 3. p. contr. 6.
tract. 14. d. 13. n. 2.*

graria, sunt quaestiones distinguenda. Primo, an Episcopus possit concedere facultatem celebrandi, per modum actus, in quocumque loco decenti domoque privata, seu profana aliorum, ipso Episcopo absente. Secundo, an saltem idem possit in quocumque loco domus suae, vel in domo profana aliorum, sed coram se, seu ipso praesente. Tertio, an possit deputare Oratorium in eadem sua domo, ut ibi indifferenter ab omnibus, per modum habitus, celebretur. Quarto, an in domibus privatis, seu profanis aliorum idem possit. De singulis separatim, tacebo tamen de Quarta justis de causis libens.

An Episcopus possit concedere facultatem celebrandi per modum actus in loco profano, sed decenti, extra domum suam, ipso absente.

6. **O**Lim id a potuit Episcopus, nunc vero non potest.

a Delugo de Epi. d. 29. sec. 2. n. 49.

test. Ratio prioris dicti est, ampla concessio ipsis à sacris Canonibus mox num. 12. afferendis, attributa. Ratio posterioris est prohibitio Concilii Tridentini *a ne patiantur* (inquit Tridentinum) *Episcopi privatis in domibus, atque omnino extra Ecclesiam, & ad divinum tantum cultum dedicata Oratoria ab eisdem Ordinariis designanda & visitanda sanctum hoc sacrificium à secularibus, aut Regularibus peragi.*

7. Illud *b* nota, quod licet Tridentinum restringat Episcoporum potestatem, non videtur tamen iis ablata potestas, occurrente necessitatis casu, dispensandi, ut semel aut sæpius, (quatenus rationabilis causa suaserit) in loco honesto, quamvis profanis usibus destinato super Altari sacrato, & ornato.

Missam

a Trid sess. 22 in decret. de observ. in celebr. Missæ. b Suarez de sacr. d. 81. sect. 3. §. 2. Observandum circa finem Layman l. 5. tract 5. cap. 5. num. 4. aliique.

Missam celebrare liceat. Ratio est, quia cum ejusmodi casus frequenter accidere soleat, moraliter necessaria est Episcopis talis dispensandi potestas, maximè in Regionibus ab urbe remotioribus.

An id possit in quocunque loco domus sue, vel in domo profana aliorum coram se.

8. **P**Otest a Episcopus, in quolibet loco decenti, licet profano, ob suam etiam commoditatem, tum in sua Diocesi, tum extra (etiam Romæ, b quia de decisione in contrarium allata ab Ugolino c non constant authentice) sive in domo, seu palatio suo, sive alieno, sive

a De lugo disp. 20 de Euch. sect. 2. num. 49. Fortella in Resp. p. 3. casu 20. num. 7. Diana p. 4. tract. 4. resp. 15. alii que apud ipsos. b Navarr. cons. de privileg. c Ugol. apud Garvan. in pract. Episc. V Episcopus num. 9. approbatque Diana loc. cit.

sive Domi, sive Ruri cum Altari portatili celebrare; immo, & potest cum eadem amplitudine concedere alteri Sacerdoti licentiam ibidem celebrandi coram se, non vero, ipso non præsente. Ratio ducitur ex cap ultimo de Privileg. in 6. ubi sic legimus. *Quoniam Episcopi, eorumque Superiores se habent, diversis ex causis, à suis Ecclesiis, & Diocesisibus absentare frequenter; nec semper possunt commode ad Ecclesias accedere pro Missa celebranda, vel audienda in ipsis, sine qua eos transire non decet, absque causa rationabili, ultimum diem præsentis Constitutione, indulgemus eisdem, ut Altare possint habere viaticum, & in eo celebrare, ac facere celebrari, ubicumque.* Hæc Pontifex, quæ non esse revocata à Tridentino per Portellam mox citandum, inde, ut cetera taceam, constat, quia Trid. loquitur de domibus privatis; at locus, ubi Episcopus etiam obiter residet, non est privatus, sed publicus.

F

Vides

9. Vides autem, quod esto causa concessionis fuerit sola absentia Episcopi à sua Ecclesia, concessio tamen est absoluta, & universalis sine limitatione itineris, vel distantiae.

10. Sed dictum est (coram se) quia hoc privilegium est personale, ut nimirum ipse Episcopus celebret, vel celebrationi intersit, nam propterea non poterunt alii Sacerdotes, Episcopo non praesente, tali privilegio gaudere. Adverte tamen, non esse confundendas quaestiones, hic enim agitur de quocumque loco, etiam profano, etiam camera, vel aula eiusdem Episcopi: nam mox agetur de loco deputato ad Sacrificium, v. g. Oratorio, ubi certò poterunt omnes Sacerdotes celebrare, ut mox à num. 12. videbimus.

11. Petes: quando Episcopus, vel alius coram ipso celebrat, Fideles, etiam si non sint, de familia eiusdem,

a. Perzell. in Resp. p. 3. c. 20. n. 4.

dem, satisfaciuntne præcepto, si
tali Sacro intersint die festivo?
Rursus, Episcopo præsentem, unus
ne solum, an alii, & alii, eodem die
possunt ibidem celebrare?

Respondeo ad primum, satisfacere. Cujus ratio dicitur §. 3. n. 6.
Ad secundum, licet videatur alicui
posse solum unum, quia solum
conceditur Missa, quam audiat
Episcopus, ne transeat dies, in qua
ipse non audiat, ad quod inconve-
niens vitandum, una satis Missa
est, puto tamen posse plures, quia
privilegia, quæ non sunt in ullius
præjudicium, sunt amplianda; &
quia id favet devotioni Episcopi,
plures Missas audire volen-
tis, quam à Canone fo-
veri credendum
est.

*An possit Episcopus deputare Oratorium
in domo sua, ut ibi indifferenter,
per modum habitus,
celebretur.*

12. **E**piscopus *a* potest, domi suæ,
sive urbana, sive rusticana,
sive intra Diœcesim, sive extra,
etiam sine licentia Episcopi in cu-
jus Diœcesi moratur (id enim non
pertinet ad jurisdictionem con-
tentiosam, sed est quid volunta-
rium quod ipse libere valet *b* ex-
ercere extra Diœcesim) potest in-
quam Episcopus, etiam solum Ti-
tularis, deputare Oratorium pri-
vatum, ubi celebretur Missa indif-
ferenter ab omnibus. Hæc Do-
ctrina, si alio argumento non fir-
maretur, sane illud sufficiens esset,
nempe id passim sine ullo scrupulo
ab Episcopis in usum deduci.

Ratio

*a Delugo de Euth. d. 20. sec. 2. n. 10.
Portell. in Resp. p. 3. casu 20. n. 3. b Syar.
l. 2. de matr. d. 18. à n. 7.*

Ratio autem fundamentalis est, quia ex una parte hanc facultatem amplissime obtinet Episcopus in a jure, & ex alia nec Tridentinum, nec aliud Pontificis decretum id illis prohibet: Tridentinum enim, & si quod aliud decretum prohibens est, loquitur b de Oratoriis in domibus privatorum, Domus autem Episcopi privata Domus non est.

13. Arque ex tam lata facultate collige primo, posse plures, & plures Missas in tali Oratorio, eadem die, celebrari, sive ab Episcopi familiaribus, sive ab exteris.

Secundo, id fieri posse, absente, Episcopo, imo etiam ipso in remotis agente, quia privilegium hoc

F 3 perso-

a C. Missarum de consec. d. 1. ibi Missarum solennia ubi ipse (Episcopus) permiserit, celebranda esse censendus. Idem dicitur c concedemus eadem alia loca vide apud Azor p. 1. l. 10. c. 26. q. 3.

b Portell. n. 3. & 4. cit. citans Sanchium, Navarr. & alios.

personale est, simul & locale, id est concessum tali domui respectu Episcopi, cujus est. E contra autem, si definat talis domus esse Episcopi, amittitur tale privilegium, quia tunc nullus est respectus ad Episcopum. Puto item, si locetur aliis, vel etiam si concedatur aliis ejus usus, amitti, seu non vigere privilegium, siquidem jam definit respectus praedictus, qui non fundatur in dominio, sed in usu, quem vel ipse, vel saltem sui obtinent talis domus.

Tertio, fideles, si ibidem intersint Sacro, satisfacere praecepto; ut Sacra Congregatio declaravit ^a & nos universaliter dicemus infra §. 3 n. 6.

§. III.

*De Religiosorum Privilegiis circa
locum Sacrificii.*

I. **V**T explicentur privilegia in re hac Mendicantium, & eorum,

^a *Apud Dian p. 6 tr. 8. res. 40. fine.*